



Inatsisartunut ilaasortaq Finn Karlsen (Siunut)

Asasara Finn Karlsen

Inatsisartut suleriaasianni § 37 malillugu Naalakkersuisunut imaattunik apeqquteqarputit:

1. Susoqalersoruna ilumut aligunik (rubin)-inik tunisassiulernissaq siunertaralugu paaasoqalerpa Canadamiunit?

2. Naalakkersuisunit eqqarsaatigineqarsimanngilaat nunaqavissunut inuusutissarsiuutinngorlugu Inatsisiliuullu aningaasarsiuutinngortinnissaa? (aqunneqartumik)?

True North Gems-ip Canadamiumik rubininik aamma safirnik aappaluttunik tunisassiornermut siuttuusussamik atorfinitsitsisimanagera ullaakkut radioaviisimi (13. oktober) tusarliunneqartoq apeqquteqaatinnut tunngavilersuutinni ilaatigut oqaatigaat. Aammalu oqaatigaat ujaqqanik erlinnartunik paaanerup nunanit allamiunut tunniunneqarnera kukkunerujussuusooq, pissutigalugu nunaqqatitta tunisassiorneq ingerlalluarsinnaammassuk.

Siullermik pingaarnertullu apeqquternut qujavunga, taakkualu matuma kinguliani akissuteqarfissavakka.

Apeqqummut 1-imut akissut

True North Gems juuli naalersooq Qeqertarsuatsiaat eqqaanni aatsitassarsiorfiliorerup tunisassiornerullu aallartinnissaannut akuersissummik qinnuteqarpoq. Aatsitassanut Ikummatissanullu Pisortaqarfiup ilaatigut DMU aamma GEUS peqatigalugit maannakorpiaq qinnuteqarnermut najoqqutassat misissuleruttorpaat, taakkua ilaatigut avatangiisinut sunniutaasussanik nalilersuineramik (VVM) aamma inuiaqatigiinni piujuartussamik iluaqutaasumik sunniutaasussanik nalilersuineramik (VSB) suliaqarnermut inatsisitigut piumasaqaatit naammassisimanagera paasiniallugu. Qinnuteqaammi piumasaqaatit imminut akilersinnaassutsimut misissuinermut, VSB-mut aammalu VVM-imut piumasaqaatigineqartartut sulii naammassineqanngillat.

Qinnuteqaammi pappialatigut piumasaqaatit naammassineqarniaripata uppernarsaatit attuumassuteqartut sapaatit akunnerini 8-ni tamanut tusarniaassutigalugit nassiuunneqassapput tamatumalu kingorna oqartussaasunit suliarineqassallutik. Suliaq ingerlanerani ingerlatseqatigiiffik suliaq killiffia pillugu paasisutissiiniarluni innuttaasunik ataatsimiititsinernik ingerlatsissaaq. Sulianik suliarinninnermut piffissaq atorneqartussaqaammatinik arfinilinnik sivirususeqarajuttarpoq, tamatumalu kingorna qinnuteqaat inaarutaasooq Naalakkersuisunit akuersissuteqarfigineqassalluni.

24. oktober 2011
Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: bmp@nanoq.gl
www.nanoq.gl

qaammatinik arfinilinnik sivissuseqarajuttarpoq, tamatumalu kingorna qinnuteqaat inaarutaasoq Naalackersuisunit akuersissuteqarfigineqassalluni.

Qeqertarsuatsiaani rubinik safirinillu paaanerup Kalaallit Nunaannut annertunerpaamik pissarsissutaanissaa siunertaralugu suliniutit arlallit ilaatigut sulisussanik nunaqavissunik suliffeqarfinnillu nunaqavissunik peqataatitsinissamik kiisalu Kalaallit Nunaata paaanermi toqqaannartumik isertitaqarnissaata annertusarnissaanik qulakkeerinniffiusussat ingerlanneqassapput, tassani ilaallutik inummut akileraarusiisarneq, ingerlatseqatigiiffimmik akileraarusiisarneq akitsuusiisarneq.

Apeqqu 2-mut akissut

True North Gems aatsitassanut ikummatissanullu inatsit aammalu misissuinissamut akuersissummut atugassarititaasut naliginnaasut naapertorlugit Qeqertarsuatsiaat eqqaanni misissuinissamut akuersissummik peqarpoq. True North Gems-ip pisinnaatitsissummik pigisaqartup paaaffigissallugu siunnerfigisaanik niuerutigineqartussamik piarneqarsinnaasumik peqarfeqartoq paasinarsissimaguniuk sumiissusersisimallugulu, aammalu allatigut akuersissummi atugassarititaasut allassimasut naammassisimallugit (ilaatigut avatangiisinut aamma inuiaqatigiit aningaasaqarnerannut tunngatillugu misissuinissamut piumasaqaat), pisinnaatitsissummik pigisaqartoq aatsitassanut ikummatissanullu inatsit naapertorlugu paaanissamut akuersissummik tunineqarnissamut pisinnaatitaavoq.

Taamaattumik True North Gems-ip atugassarititaasut allassimasut naammassisimappagit rubinik tunisassiornerup ingerlatseqatigiiffinnut allanut imaluunniit inunnut pisinnaatitsissummik pigisaqartuunngitsunut tunniunneqarnera aatsitassanut ikummatissanullu inatsimmik unioqquitsinerusussaavoq.

Aatsitassarsiorfinni suliassaatsinni sulisussat nunaqavissut aamma suliffeqarfiit nunaqavissut peqataatinneqarnissaat Naalackersuisut qulakkeerusuttorujussuaat, tamannali torersumik ingerlanneqartariaqarpoq. Tamannarpiaq pissutigalugu aatsitassanut ikummatissanullu inatsit naapertorlugu piumasaqaataavoq ingerlatseqatigiiffiit inuiaqatigiinni piujuartussamik iluaqutaasumik sunniutaasussanik nalilersuinerimik (VSB) suliaqartassasut. VSB-mik taamaattumik suliaqarnerup ilaatut ingerlatseqatigiiffiup, kommunip (-t) aamma Namminersorlutik Oqartussat akornanni suleqatigiit pingasut isumaqatigiissutaat suliarineqassaaq, tassani sulisussanik nunaqavissunik aamma suliffeqarfinnik nunaqavissunik peqataatitsinissaq pillugu isumaqatigiissutit aalajangersimasut isumaqatigiissutigineqartassallutik. Taamaalilluni suliffeqarfiit sulisussallu najukkaneersut rubiniorfissami peqataatinneqarnissaat periarfissarissaarpoq.

Matumuuna neriutigaara apeqquitiit naammattumik paasinarsissimassallugit, kisiannili soorunami apeqquutinik itisiliissutaasinnaasunik akissuteqarnissannut piareersimavunga.

Inussiarnersumik inuulluaqqusilluta



Ove Karl Berthelsen